

Band XI., Nr. 4962, Seite 16-17

*Heinrich Unmass, Schultheiß der Stadt Hall, vertauscht mit dem
Johanniterspital eine Wiese am Kocher gegen ein Gut zu Rückertshausen.*

Ohne Ortsangabe, 1297. Januar 29.

Wir her Heinrich Ummaze scultheize der stat ze Halle und alle unser erben allen den, die disen brief sehent oder horent lesen, virjehen wir offenliche unde gemeinliche alle mit einander, daz wir han gegeben bruder Rûgere von Schefauwe dem commendiure des heiligen huses des spitales sante Johannes orden ze Halle und den brudern des vor genanten huses unde allen irn nachkumen eine wise die da lit¹ ame Kochen bi der mûln, die da heizet die nuwe mûln, die da ist der bruder die hie vor genant sint, ze rechteme eigen ewiclichen ze besitzene gesuht und ungesuht zu alleme rehte, unde geloben auch an diseme brive die vor genante wise ze verrihtene von allerleige ansprache also eigens reht ist nach rehte unde nach gewonheit des landes. Grein dirre wisen gebent uns bruder Rûger von Schefauwe der commendiure des vor genanten huses von Halle und die bruder alle gemeinliche ein gût, daz ist gelegen ze Rickartshusen gesuht und ungesuht zu alleme rehte, und daz selbe gût gillet gergelich zwei phunt Heller geltes, uf deme selben gûte sas ein man der hiez Uolrich, unde geloben uns auch daz selbe gût ze vertigene von allerleige ansprache also eigens reht ist nach rehte unde nach gewonheit des landes. Dis weissels und dirre anderunge ist gezug bruder Rûger der commendiure der hie vor genant ist, bruder Conrat von Spire, bruder Burchart von Halle, bruder Uolrich von Halle, bruder Heinrich [von]² Schefauwe, die da bruder sint des vor genanten huses von Halle, her Conrat der alte munzemeister der da sitzt an den staffeln, her Walther von Kunzelsauwe, her Heinrich von Tulauwe, Conrat unser sun und Heinrich sin bruder, die da burger sint ze Halle. Und daz diz stete und veste belibe ewicliche, des han wir disen brif besigelt mit des abtis ingesel³ vom Kamberg unde mit unser selbes ingesigel.

 Dis geschach, da von gotes geburte waren tûsent jar zwei hundert jar núnzig jar in deme sibenden jare, an dem funthen dage vor unser frowen dage kerzewige.

Abdruck folgt Gräter: Idunna und Hermode, offenbar nach einem Original, das jetzt verschollen ist.

¹Vorlage: lic.

²In der Vorlage wohl aus Versehen ausgelassen.

³So in der Vorlage.

Überlieferung und Publikationen

Überlieferung und Textkritik:

Die Originalvorlage ist offenbar verschollen.

Editionen:

Gräter: Idunna und Hermode, 5 (1816), S. 180.

Weitere Angaben

Sprache:

Deutsch

Ausstellungsort:

Ohne Ortsangabe

Aussteller:

Heinrich; Unmass, Schultheiß von Hall

Ortsindex:

Künzelsau Wohnplatz (2446)
 Künzelsau, KÜN
 Rückertshausen Wohnplatz (2754)
 Rückertshausen, Braunsbach, SHA
 Schwäbisch Hall Wohnplatz (3361)
 Schwäbisch Hall, SHA
 Speyer, SP
 Tullau Wohnplatz (3499)
 Tullau, Rosengarten, SHA
 Unterscheffach Wohnplatz (3488)
 Unterscheffach, Wolpertshausen, SHA